

中國地方志集成

貴州府縣志輯 ⑧

民國貴州通志
(三)

巴蜀書社 • 鳳凰出版社 • 上海書店

第八冊目錄

民國貴州通志(三)

.....

國民

貴州通志

(三)

民國·劉顯世 谷正倫 修

任可澄 楊恩元 纂

一百七十卷 首一卷

民國三十七年貴陽書局鉛印本

貴州通志

前事志三十四 起清康熙七年
七月盡八年五月

清

秋七月參將唐天佑自王卡進克平越

曾璧光奏竊臣前因川軍進攻玉華山向大坪賊巢恐潘逆派黨往援難以計日賊事商令署提督張文德親督勁旅力攻龍貴於六月初五初八等日克復兩城維時參將唐天佑一軍於掃平巴鄉賊寨後即紮營巴鄉以防江外王卡匪黨查王卡係平越所轄地勢險要黨與衆多與玉華山向大坪諸賊互爲響應必須先行殄除則攻取益易爲力當飭唐天佑督同軍功楊有澤把總孔茂槐等渡江勦辦於是月十三日進攻大麻窩賊寨以據進兵之路該匪首莫拾元劉登高震懾軍威率衆乞降唐天佑即派作前驅令攻王卡以自効十四日黎明分軍疾進直逼賊巢果夾擊環攻聲破賊壘降衆甚爲得力至十五日而王卡告克計陣斬賊首柴老冒沈老五等生擒偽沈元帥並悍賊王矮大五等訊明正法唐天佑即營其地以扼向大坪後路爲川軍聲援

貴州通志

前事志三十四

一

曾璧光奏遊擊唐天佑先係立營王卡分布五軍嚴扼向大坪後路嗣川師將該巢蕩平唐天佑即於七月初二日移營進規平越由安撫倉口各壘分路而進逆首金大五率黨抗拒連日攻戰大挫兇鋒初六日唐天佑乘勝進勦直取楊義司賊卡克之揮軍逼城而壘督同把總孔茂槐劉家興訓導羅國輔降人莫拾元等分門攻擊該匪堅守不出初八日辰刻唐天佑以金大五與清黃苗匪互爲響應深處援賊一至難期即下策勸諸軍銳意圍攻午刻自率勁隊由南門坍塌城缺處所冒刃而登我軍縱橫格鬪維時孔茂槐等亦將各門攻破四路掩殺該匪由東門奪路奔竄我軍追勦十餘里日晡收隊臣查平越城淪陷賊中歷年日久今經唐天佑於收復王卡之後相繼攻克洵足大快人心惟州城與清平麻哈爲鄰而皆賊我軍兵力未厚守禦爲難現委候補知府馬澍榮署理州篆飭令會同唐天佑籌辦善後並因統領川軍唐炯稟報已將馬龍井牛場等處苗巢掃蕩密獲清鎮縣黃平州印信各一顆呈請繳銷令其將平越未投各寨先爲協同勦撫平定再圖進取

回匪馬仲等攻陷興義縣城代理知縣吳保慶遁永康堡



貴州通志

前事志三十四

二

曾璧光奏竊興義府貞豐州回逆馬仲張老八等股官踞城負固年新城回人金萬照即金阿烘等雖稱反正而陽奉陰違仍與馬仲等暗通消息四出授害情殊狡詐臣時飭代理興義縣吳保慶遊擊劉官德將戰守事宜妥爲布置並擬俟安順軍務肅清移師進勦本年六月二十八日據吳保慶劉官德稟報回逆馬仲等率領匪黨萬餘分股竄擾吳保慶等帶練調團前赴距城三十里之馬別橋要隘紮營堵遏賊愈聚愈衆遂被攻破隘口退守城池該匪逼城而壘勢甚危急當經臣檄飭署興義府兼攝普安縣劉正朝署普安直隸同知吳宗閩齊團援救並飭幫辦安順軍務之護安義鎮總兵溫志學統軍策應適值安順股匪分竄安平縣屬之羊昌河窺伺縣城溫志學駐紮安平扼守未能赴援旋據吳保慶劉官德稟稱回馬仲等將附城各營擊破復分派賊黨阻截援師晝夜圍攻七月初二日因大雨不止城垣坍塌數處圍丁守陣日久力盡筋疲軍火口糧又復告竭是夜縣城被賊攻陷陣亡外委楊占鰲軍功王家齊並團練一百餘名吳保慶劉官德身各受傷經練丁救護而出暫紮距城數里之永康堡招集潰散以圖恢復

先是興義府久陷賊貞豐全境亦爲馬仲及黑苗盤據張定中金萬照據新城如故僅存興義安南兩縣而代理興義知縣吳保慶代理安南知縣周佳琦皆逼賊不能自立先後走回省署與義知府兼普安知縣劉正朝僅自保會巧回團首謝洪順爲鄂忠言府城僅回賊百餘戶另築內城自守外城漢民亦止數百戶聞屢欲樹旗降約東南兩鄉團練刻期舉事請忠往統其衆忠以易襲難守辭而輕騎赴普安就商正朝以府試辭不赴謝洪順所結內應洩其謀賊攻之洪順待援不至突圍走興義縣鄉團十九營同時俱陷圍民被害者二百餘家鄂忠急馳回央佑至是七月初二日賊遂陷興義縣城代理知縣吳保慶署游擊劉官德通永康堡自謝洪順謀洩戴秉義等遂掠走馬別橋陷普別屯各營張隊三亦率新城賊出平彝陷紅板橋官德以五千餘衆禦擊不力故陷

附記
納省逆首戴秉義陳良初夜率賊渡馬別河襲燒壘上查實三營河外大股乘勢竄入官禮退保縣城官德率精銳爲前鋒扼紮官田壩子當賊進攻大路與賊相持兩月餘大小數十戰賊愈集五團回衆暨下游叛苗壓境來攻衆號二

十萬我軍寡不能敵七月朔縣城三失賊急以大股屯雞場作長圍進攻永康堡縣紳劉官禮守堡其將鍾占魁陣斬賊首張元臣勢稍挫退據縣城訪義

按興義縣訪冊敘縣城失陷不知有代理知縣吳保慶過疏

潘名杰復犯貴定汪柱元等却之其弟潘德明降

名杰及下河諸苗賊回犯貴定縣城柱元約林從太何雄輝都司陳安邦等却之都勻協田興富田慶龍李玉南合擊玉南中槍斃于陣慶龍亦創回旋殺賊尋以乏食皆走回都勻惟潘德明先遣赴柱元樊希棟營乞降至是復自赴庭中瑜中瑜為請許之恩紀

己亥諭軍機大臣等曾璧光奏龍貴克復以後逆首潘名杰及其胞弟潘德明逃竄復糾合都勻苗酋柳天成等肆擾經官軍痛剿潘德明泣勸潘名杰投誠該逆不從竄往獨山潘德明乃自攜妻子戚屬而縛乞降曾璧光飭司訊供尚無偽情已示以不殺交張文德管帶使之殺賊自效固係權宜辦法藉安反側惟潘德明隨其兄為亂多年罪惡甚重此次窮蹙來歸難保將來不復萌異志其潘名杰在逃未獲尤恐潛通消息洩我軍情著曾璧光密飭張文德妥為鈐

貴州通志

前事志三十四

三

束留心體察如其始終不渝即責令隨隊勦賊贖罪未可驟假之兵以防反噬潘名杰係首先倡亂之人乃敢怙惡不悛必須上緊緝獲正法以洩黔民之憤並著曾璧光嚴檄各路將領暨各地方官會合搜捕錄事

實授曾璧光貴州巡撫黎培敬貴州布政使林肇元貴州按察使上同

六合團降匪陳小五謀劫安順府城林自清自丁旗堡夜至陳不敢發

六合團亂既定陳小五亦受撫歸畢公大錫節制薙髮紮大垂關而野心難降其衆時三五成羣入城肆暴已而禁阻不准乃持籤借市買為名至逼索餉需挾兵入署者屢矣一日排隊百衆馬槍皆燃繩實子吶喊衝入城丁不敢阻到府稟見署人大駭有越垣避者公便服拖鞋僅視九侍（陳治道為視老冒把弟勇健時稱祝九）茶見詰所由來大罵謂軍法難犯此等行徑將如何拍案一怒陳諾諾不敢蓋狼子野心始以畏威而來今見餉缺兵單已懷反側非公老於軍事少為所動變在几席矣（祝九後署城守都司事係得諸口述聞是時其黨之燃繩持槍者刁打簷雀不已）是時受撫投誠者猶有賀大（時稱賀大王）亦薙髮紮圓通寺桀驁不馴與陳小五同既窺城見虛實畢

公知尾大不掉亦莫如之何結隊橫行肆無忌憚惟林自清家小井巷俱焉而林適下鄉城危如卵一夕賀營列旗排刀出大炮於寺門燃繩候城防震恐街口聯屠案以塞衆心栗栗盼得至天明為幸俄而林以軍夜至反側潛消衆為之慰如渡險難而履安瀾也是役也非林以軍至賀動於內陳應於外禍將不測疑林軍或畢公以書招至保城於危功實不小斯又有城以來一險故林雖以罪誅此事猶噴噴衆口訪順

先是賊等見城中防守嚴密難以攻取陳小五乃假意投誠畢公誤信處之城內後派陳紫大重關之關上打六合團陳逗遛不往是時城中內防奸究外防大寇有朝不保夕之勢父子夫妻相對而泣子公而忘私國而忘家以一身幹旋其間常抱城存吾存城亡吾亡之志七月內賀逆大王帶賊數萬上竄紫石板房等處又竄往北門外郭善二里頭起十五寨等處住紮畢公派陳小五剿辦該匪潛蓄變志一日因與畢觀察要糧起釁抬各街屠案堆圍府署且暗分街道搶擄城池危如累卵畢公召子至署謂曰吾許小五進城吾已斷送全城生命財產汝試為我往探伊意衆皆危之予徑獨往至賊營見跼隊者皆把刀

貴州通志

前事志三十四

四

怒目而視意欲加害及進見陳先以威嚇予置死生於度外與彼力爭彼知不屈乃轉威為齊終歸于說訪無光

按安順訪冊陳小五排隊驟馬衝入城丁不敢阻與平黔紀畧林自清稟有陳貴珍前降畢大錫其弟橫行郡城中禽斬之之語微異蓋此案不見小五下落也惟是訪冊云小五見畢大錫拍案一怒不覺屈膝何至又有勾結賀大火炮燃繩街口聯屠案之舉熊光詔所撰團防事畧則又自誇掉三寸舌令小五轉威為齊是事畧與訪冊不免矛盾又訪冊稱賀紫圍通寺則近在城中光詔事畧則謂賀紫石板房種種抵牾其實小五不敢劫郡城實快于林自清之威望郡人至今言之猶虎虎有生氣也

逆苗楊阿九圍攻馬龍井川軍擊敗之游擊唐天佑遂復平越州城

楊阿九復糾凱塘凱哨革夷等賊圍攻馬龍井降寨初八日唐炯遣唐天佑率守備莫倫元乘間直趨平越州夜入城據之遣鄧鴻超等敗賊馬龍井賊遁牛場畧紀

壬辰諭軍機大臣等曾璧光奏逆首金大五與清黃苗匪勾結久踞平越州城

經游擊唐天佑督同孔茂槐等攻破各門四面掩殺該匪奪路奔竄當將州城克復此次官軍於收復王卡後兼克堅城勦辦尚屬得力惟該城與清平麻哈爲鄰守禦極關緊要該撫當嚴飭馬樹清會同唐天佑將善後事宜悉心籌辦毋稍疏虞並一面咨令唐炯將平越未投各寨協同勦撫以期一勞永逸

按東華錄曾璧光奏平越州城係唐天佑督同孔茂槐等攻破而崇實奏則唐炯飭降人莫倫元隨黔軍乘間入據考平黔紀畧則崇實爲是

川軍攻克祁山牛場烏雲等處苗寨唐炯進規清平黃平

諫崇實奏官軍自攻拔尙大坪賊巢後偽苗王楊阿九糾約苗黨於牛場祁山聖等處結寨抗拒道員唐炯飭降人莫倫元隨黔軍乘間入據平越州城提督劉鶴齡知府鄧錡派兵勦擊迭次獲勝陣斬偽苗王楊阿九賊寨祁山聖竄去其牛場烏雲山賊寨亦經劉鶴齡及總兵何行保等先後攻拔勦辦均屬得手即著崇實督飭唐炯等乘此聲威由牛場上塘進規清平黃平兩城回擊都勻麻哈以收破竹之勢

唐炯稟竊職道接據鄧丞奏安來稟七月十五日偽苗王楊阿九糾約凱唐革

貴州通志

前事志三十四

五

夷等處黑苗二千餘人自牛場來占據祁山聖鄧丞當派果毅右營參將吳洪貴率所部自毛坡迎擊副前營守備楊繼春率所部自三元里後營參將周萬順率所部自梭羅兩路橫截吳洪貴首先遇賊鏖戰三時吳洪貴單騎突入賊羣手斬偽苗王楊阿九姜德滿賊勢披靡適周萬順楊繼春帶隊趕到左右夾攻吳洪貴奮勇往來衝突共計斃賊五百餘名賊大奔向桐木坪竄去吳洪貴單騎往追有十餘賊回拒吳洪貴中鎗落馬羣賊圍刺猶復手刃二賊力竭陣亡二十日職道力疾馳至馬龍井二十二日派安定前後兩營振武右營逼牛場對山築壘苗匪大股來爭經劉鎮及忠字營何鎮安吉後營田游擊應豪三路截擊傷斃賊百餘名當將牛場賊寨焚燬奪獲乾字六千三百四十八號清鎮縣印一顆咸字三百五十四號黃平州印一顆二十三日何鎮顏牧督隊由中路進攻烏雲山副將鄧鴻超帶果毅前營由營盤坡以擊其左文生徐舒游擊潘壽齡帶安定後營由大營山以視其右羣苗散列烏雲山下鎗子如雨我軍中路少却賊乘勢來衝鄧鴻超潘壽齡兩路突出何鎮顏牧督軍回擊傷斃賊百餘名立將烏雲山賊寨三座焚燬賊奔聚九龍山我軍追至賊寨寨向窄

五地宋一帶遁去忽大雨雹我軍即收隊回牛場伏查參將吳洪貴籍隸貴州鎮遠隨劉鎮十餘年身經數百戰忠勇樸實甚爲苗匪所憚此次攻克玉華山聖安縣賊厥功甚鉅職道以前次水源溝甫蒙憲台隨摺保獎參將勇號擬俟彙案方爲稟請憲施不虞遽爾捐軀實堪痛惜

稟竊自六月十九日吳參將洪貴克復聖安縣城二十三至二十五日苗逆偽楊王糾率黑苗千餘迭來攻撲經吳洪貴率所部果毅右營及譚光前降衆分路迎擊陣斬偽李元帥傷斃賊百餘該逆退據牛場上塘藍家關復糾約凱塘凱召革夷偽金王偽何王偽李王偽姜王等悍苗數千來援尙大坪圍攻馬龍井降寨其時大軍已拔尙大坪卑府同劉鎮即飭黔省參將唐天佑率降人莫倫元乘間於本月初八日入據平越州城招徠麻哈民團派副將鄧鴻超帶果毅前營副中營及王成忠等降衆參將劉宇德劉萬春帶振武前右兩營由高平司進勦馬龍井初八日已刻苗逆數千蔽野而來劉宇德等由右路迎擊王成忠等由左路迎擊鄧鴻超自後來往接應鏖戰三時斃賊百餘名賊始大奔退至牛場卑府伏查凱塘凱召革夷崖門一帶爲最驍悍今既悉聚牛

貴州通志

前事志三十四

六

場上塘抗我川師必須調集大軍分路痛勦然後清平黃平可迎刃而解惟各軍自渡江以來觸冒暑雨晝夜奔馳病者十之六七死者十之三四張守鄧丞顏牧及委員楊裕本副將謝鴻章鄧鴻超等得力員弁皆相繼染患疫瘧不能督隊而師行既速糧運又多不濟且後路空虛不可無兵鎮壓現飭鄧丞部署降衆及果毅中後左右四營分駐大驕頂山紅灯堡小坡以備黃平施秉苗逆藉以醫調士卒復約窺道前來商議此時烏江大路無賊遑那可無須防窺道自帶安吉中營駐小驕頂山以鎮後患並料理糧運及善後事宜分安吉前後兩營何總兵忠字營隨同進勦意見相同日來忠字安吉各營已陸續開拔前進卑府侯張守等病勢差減糧運到來即偕劉鎮督率大隊馳往馬龍井督戰以期滅此朝食

唐炯稟籌善後各事宜

先是炯稟言劉鎮以有用之師不應久駐畢節無賊之地請移駐清鎮修文以遏安順賊請趙彭芝亮移駐思石之軍進規施秉席寶田率所部進規鎮遠台拱張文德以龍貴師進規都勻諸道並進自得專意苗疆庶可尅期克功至

是又籌善後各事宜於曾壁光署曰竊自率師入黔經過桐梓綏陽涇潭諸縣田蕪民稀其時桐梓綏新復盜寇侵軼未嘗絕迹涇潭則官吏寄居永興周圍數十里地而丁糧軍穀盤金不免追呼愁苦怨歎不忍見聞閏四月肅清烏江北岸移師遵郡籌措糧餉竊見遵義一縣雖平定逾年而見存戶口不及平時十之三田土僅東北兩鄉次第耕種然亦不及平時十之六而五月以來逾月不雨土肉乾坼禾苗枯稿六月雖頗多雨計收成不過十四五而桐梓復被大雨漂沒田廬無算愚以為陷賊之區征剿蕩除固在所先而撫存休養宜善其後譬如大病傷寒病時湯劑鍼灸累不可緩及其就愈所以將護節宣小失其宜則勞復之證百死一生不可不深慮也今者烏江兩岸寇盜漸掃除當此之時若得賢良有司加恩拊循寬其財力數年之後筋骸氣血庶復其舊若遂以為大愈不復致調衛之功但見其耕種負販遽欲資以歷年丁糧目前軍谷釐金別立名色多方科派則流亡者不敢歸來狡黠者必復囑聚利入私門害貽地方正不可不深長思也即以軍谷論桐梓涇綏未得其詳遵義一縣駐軍一月頗悉頗末緣烏江經省大路寇盜出沒無常商賈裹足餉源枯竭不得不

貴州通志

前事志三十四

七

撥勇防護既駐防不得不就近采辦以濟軍食此亦無可如何之苦衷而無如所委職紳輩不能仰體子愛殘黎之心一經奉檄虎視鄉閭恣其婪奪不問有無貧富按圖派認每石市谷認賣者業須貼銀一錢有奇而自鄉至城自城自駐防所在近者二百餘里遠或三四百里往來率須四五日七八日不等運費乏需責令自辦艱難路絕相望於道而中途或遭盜殺或為勇遮往往十人出門歸者不過五六至於上納一市石輒加二斗及責令認賣者來城春碾每谷一石責交市斗淨米五斗及發糴勇又係糴米難以糶糶每石入公不過得米三斗零耳請試以其采辦之數通計之即知其抑勒乾沒為不少矣剿殘黎之命失士卒之心而徒飽一己之私囊作奸貽害甚非末細今者尙大平驕頂山寇盜已平烏江大路往來無阻此路防堵余士舉何正觀團勇都宜裁撤遵郡軍谷亦乞停辦其乾沒抑勒伏望嚴究以紓民困而警官常至龍貴則經收復而平越叛苗又據牛場抗拒唐天佑乘間入據州城計龍貴平越一帶皆可因糧於賊即貴陽軍谷亦可停辦地方幸甚尙大平以西北至小驕頂山青欄寨一帶為平越屬地而降衆則多係開修貴筑人民都勻八寨不過十之一二

玉華山以西北至江界河一帶為遵安屬地而降衆則黃施鎮半之遵安附城二三十里間則多係土著革夷思石不過十之一二大驕頂以東南至平溪一帶為黃平屬地其降衆亦多係黃清平越人民所在田土多為降衆及叛苗耕種成熟烏江北岸如涇餘龍遵綏各地亦多黃施平清鎮遠人民散處耕種竊以自遵綏桐仁被脅難民及思南各處降衆概資回籍其為開修貴筑人民俟秋成後禦冬有資即給票牌移會司飭安本業漸次開墾不得指為叛逆絕產多方指勒使其流離失所都勻八寨及平越土著悉以移實州城而授以附城二三十里內絕產其清黃施鎮現飭代理黃平州牧朱倬應耀督率分駐大驕頂山平溪一帶俟大軍規復舊州即便移實舊州城而授以附城二三十里內絕產於平黃豐安間分屯二千五百衆於以控制苗疆捍衛省門實為久遠大計而清查丈量計口授田事體繁多非得賢良有司不能從容區畫相安無弊而新附之衆時正如嬰兒中道失母傍徨無依急望地方賢良有司親歷拊循乃有繫屬宜道維禮繼奉旨准赴黔省會同貴東道籌辦善後而到來日期遠近莫必地方事宜不能慮懸以待擬請憲台飭司迅選賢員署理平越變

貴州通志

前事志三十五

八

安飭令隨川軍後掃蕩一處即撫定一處人心既有繫屬善後亦易辦理

命曾壁光節制川楚兩軍

是月奉上諭曾壁光奏請飭四川湖南等省嚴督席寶田各軍分進勦辦以竟全功等語現在龍里貴定城均經克復黔省軍務漸有轉機若川楚援勦各軍遽行撤退不惟全功盡廢必至後禍尤烈據曾壁光奏石阡思南因撤兵太速餘匪已有百十成聚潯肆擄劫者且由龍貴東下直至鎮遠清平黃平施秉一路苗故各匪林立非川軍楚軍分途進擊黔局殊難支持所奏經係實情唐炯等由北而南縱橫擊擊不可稍涉遷延果司席寶田已給假兩月現計假期將滿著劉繼徽令該果司仍率所部由黔省下游取道前進期與川楚各軍三而夾擊使苗教各匪首尾不能相顧以壯聲威崇崇實素願隣封所有唐炯席寶田各軍並著崇實等懷遠前旨將各該軍歸曾壁光節制其營餉項軍火仍由該省源源接濟用資飽騰曾壁光亦當飭令張文德督率黔中將領乘此聲勢奮力追擊並隨時與川楚各軍互相策應逐漸掃除以清餘孽

景紀

按劉嶽昭當爲劉嶽略之誤

八月平越清平仲夷革老及難民黃子剛等乞撫

十九日平越龍井五寨叛苗出楊家林薄唐大有營參將潘壽齡敗之追毀龍井諸寨地松叛苗同時掩至罕五總兵劉鴻超迎擊中槍少却參將石琪守備王守忠等援擊敗之復追毀地松苗寨賊退狗河川軍亦多傷亡劉鶴齡進軍地松平越清平仲夷革老及麻哈二龍山平越羊大山被脅難民黃子剛王登雲數十寨皆乞撫

唐炯稟竊職道於七月二十三日移駐牛場後隨即分布鄧守銓帶兵六營扼興隆堡藍家關以規濟州張道玉文唐鎮大有各帶三營扼楊家村以顧平越職道借劉提督由卡籠罕五以剿地宋上塘忠字營何鎮行保安吉後營田參將應豪扼翁巴以備抄截已定期並舉而連雨不止直至八月十五十六兩日天氣稍霽龍井五寨叛苗前來攻撲楊家林均被我軍擊退十九日大股復來攻圍振武軍營壘經參將潘壽齡劉宇德都司王虎臣分路截擊陣斬悍苗四十名該逆大奔我軍乘勝追逐十餘里立將龍井苗寨焚燬是日地宋叛苗亦

貴州通志

前事志三十四

九

撤降人潘德明隨張文德規都勻

德明上言下游羣盜如毛近龍貴克復軍威振而賊勢蹙被脅者諒亦變計但其中有逼處苗賊驟難自拔者陷溺既深疑懼不前此宜進取都麻龍貴方能肅清然都勻八寨遍地皆賊現在胡四趙五樓茅坡扼舊縣平伐一路柳天成據都勻潘明杰據擺洞麻哈則馬登科據高木塘若一軍直進難以制敵必須分道並進一出樂平至谷洞以扼灰坡牽制麻哈並分出羅戶司文德關以逼擺洞一出舊縣打鐵寨上下擺洗攻茅坡再分進月亮洞擺芒如此都勻可期得手然後進規麻哈以前扼灰坡者爲一軍再以一軍由駁衝小堡繞出高

視先搜剔諸賊然後會軍麻哈都勻形勢不難復而難守如圖復一處則彼處賊來擾適以牽制重兵莫若約期齊舉方爲得計曾璧光因令同降人蔡起坤楊永清等率所部五百人進規都勻

聖紀

滇軍都司陳發昌等奉檄來援與義吳保慶劉官德乘虛復入縣城

曾璧光奏據署興義府知府兼普安縣知縣劉正朝稟稱查與邑賊勢甚衆分布各隘阻我援軍商同吳宗蘭督飭署普安營遊擊易飛熊署安南營都司馬金奎帶領團勇進剿新城匪黨以爲釜底抽薪之計八月初八日攻破青山賊卡斃匪三十餘名直趨新城該匪金萬照即命阿烘率匪抵拒我軍奮力攻擊因城小而堅未能得手劉正朝恐匪黨回巢阻截糧道仍移紮青山以顧普安廳縣門戶並據進援興邑之路又據吳保慶劉官德稟稱縣城失守後督同候選從九品劉官禮收集部練並添募漢勇六百人襲破米納等處賊營四座斃賊百餘擒斬賊目馬玉沅一名復因兵力未厚調團三千餘人於八月三十四十五等日分路進剿將三元村觀音閣三家寨等處賊營攻破斃匪甚多即於距城二里之校場七星廟等處分別立營並經督臣劉嶽昭雲南撫臣岑毓

貴州通志

前事志三十四

一〇

英派令都司陳發昌張兆顯等帶領兵勇會同平彝縣團首張旭中等前來援應分紮威舍沙營等處進攻安邊一帶賊營大挫兇鋒城內匪因新城安邊兩路官軍攻擊分黨回顧吳保慶等於八月二十日乘賊勢之衰分五路並進齊抵縣城四面圍攻劉官德不避鋒鏑用竹梯奮勇先登各隊繼進各門被我軍攻破餘匪奪路奔竄至三更而縣城克復我軍陣亡外委劉德勝等

聖紀

雲南巡撫岑毓英遣都司陳發昌張兆顯等同平彝團首張旭中等援興義縣由安邊進取馬金奎飛熊率團練攻城新城張定中自興義率賊回援二十二日吳保慶劉官德等乘虛復入縣城餘多還府惟戴義翟有魁仍據納省定中

聖紀

官禮以重金募勇三千屬西林在籍同知葉正邦率攻興義府城別遣縣紳查寶三說降苗馬金魁反正攻新城賊聞老巢失狼顧却走我軍乘之八月二十夜三復縣城初逆回犯縣魯中義民李汝雲倡義拒逆選鄉勇百餘人攻賊於五岳山汝雲爲賊首馬聯陣所執不屈死義勇等亦同時戰歿

聖紀

按降苗馬金魁當爲降回馬金奎之誤

會璧光飭川軍提督陳希祥接防會成耀星剿土游各匪

會璧光片道員劉嶽曙所領果毅後軍已經兼署四川督臣崇實奏派赴滇另撥提督陳希祥所領達字營前來接防而嚴大五白偽弁帥等逆偵劉軍將去復竄擾鴨池河大路臣已飭軍需局速催陳希祥馳赴防所速即勦辦毋令省門西路通而復塞其烏江北路自提督成耀星所領耀湘各營分投扼剿行旅業已無虞該提督素有戰畧辦事亦屬認真與陳希祥同是鄉人聲氣投契臣擬俟陳希祥到防即令該兩軍將兩路游匪濫竽結實搜除即合兩軍之力從安順節節掃蕩進規興義貞豐等處回逆仍一面檄催廣西投效之廣東候補同知葉正邦由西林渡江夾擊既去積年邊境回患亦為督臣後路聲援而與下游川楚各軍遙遙相應

八月四川總督崇實檄記名提督陳希祥以二千餘人援剿安順諸賊檄劉嶽曙移防清鎮黔西

按會奏劉嶽曙奉派赴滇紀畧稱移防黔西劉嶽曙二月赴滇即令嶽曙留防黔西此時自是奉調赴滇紀畧十月陳希祥擊賊定南亦去劉嶽曙軍為

貴州通志

前事志三十四

一

嶽昭檄調雲南是紀畧本條誤
永甯叛團楊開祥乞反正

溫志學遣軍同林自清數攻馬堡不下沈大春復會自清進攻賊潰合叛團楊開祥開祥為永甯中寨團首仇坡貢團首丁了頭因破坡貢復結六合團十三旗餘賊掠逼郎岱廳城雲南委辦招撫員張仁帥率團集援賊始退七月中自清急攻烈山堡黃泰走郎岱與嚴大五楊開祥等合十三旗附近多反正畢大錫稟言泰本先乞撫自清索去投誠銀物將誘執解省泰因遁去自清稟言陳貴珍前降大錫其弟橫行郡城中禽斬之貴珍怨望因復叛去同六合餘黨陳建中等擊破蕩上堡殺都司胡占標等二百餘人大錫不能制至八月中開祥自郎岱乞反正

恩紀

署提督張文德准假以副將林從泰護理貴州提督

諭署提督張文德傷病既稱屬實著准其回籍調治因便葬親以示體恤黔省軍事見正得手著傳知該署提督於回籍後趕緊料理仍馳回貴定一帶督軍進剿毋庸泥定三箇月假期藉詞延宕所有貴州提督篆務即著林從泰暫行

護理東華

九月川軍會同黔軍復麻哈州城

唐炯稟稱八月內迭據麻哈屬之二龍山平越屬之羊大山等處被脅難民黃子剛王登雲來營就撫職道當經給與札示旂幟本月十三日黃子剛等復來營乞兵救援職道細詢自平越城東金雞山以至麻哈城南十五里之高楓溪斜約百餘里自二龍山以至麻哈城東二十里之羊大山綿亘八九十里中間被脅漢民犵狝狎狎裙土家水家諸苗寨寨而居不下數百處逆苗散踞各寨或數十人百餘人日肆殘虐被脅漢苗積怨甚深機不可失當檄飭副將衛署平越營游擊唐參將天佑督率莫守備倫元降衆於十五日疾趨羊大山圍圍張道王文自帶兩營由高楓進為之應援飭唐鎮大有扼新橋營以備楊老悍苗自十六日至十八日各寨漢苗四起響應斬殺叛苗無算十九日張道唐參將分督游擊潘壽齡攻麻哈州城守備莫倫元藍翎把總孔茂槐戎祚瑞等攻高木塘降團黃子剛王登雲姚天元羅占斗羅成章等由笑天龍攻五寨三庄叛苗分股迎敵自卯至午鏖戰半日傷賊無算賊仍抵死不還黃子剛手斬

貴州通志

前事志三十四

一

苗酋李天王賊勢披靡我軍乘勢掩殺立將麻哈州城克復是日黔師黃參將開才亦帶隊馳抵嚴下司協同助剿先是職道以我軍分布首尾四百餘里而清平屬之黃貓嶺撒毛下司楊老皆屬叛苗大股巢穴二龍山羊大山新橋營與之逼近甚虞乘虛進犯平越州城曾屬張道唐參將於麻哈得手後即回紮新橋營二龍山兩路夾攻黃貓嶺此巢一破而劉提督所撫清平屬之都梨都關等二十四寨及黃子剛所撫之銅鼓擺佈一帶犵狝狎便可四起環攻清平不難克復至是張道唐參將仍回紮二龍山新橋營以規清平二十日舊州之賊千餘來撲地宋經劉提督手斬賊酋蔡元帥賊勢披靡我軍分路縱擊殺賊無算是日唐鎮大有在新橋營與賊接仗方相持際老虎洞降衆汪有誼等倒戈夾擊陣斬悍苗百餘名因大雨如注收隊還營二十一日顏牧佐才何鎮行保進攻上塘之打鐵關斃賊數十名舊州之賊來攻藍家關亦被總兵李啓貴都司楊繼春擊退均各稟報前來職道現在部署新撫之蘆坪力冲大山洞翁翁一帶犵狝狎扼守狗望河一俟妥帖劉提督進攻羊皮羊保職道由打鐵關鄧守鈞由藍家關同規上塘

恩紀

隨據平越清平所屬狎夷狍狍及麻哈被脅難民共七十二寨前來投誠職道均一一撫慰給與旂幟札示令暫勿煽髮待官軍進剿時倒戈夾擊現在劉提督已進紮地宋而日夜霖雨至今不止一俟天霽職道即移駐地宋妥爲部署大第掃蕩上同

龍崇實吳榮奏四川援黔官軍自改拔牛場等處苗寨後道員唐炯督軍進剿龍井地宋諸叛苗連戰皆捷破其巢穴乘勝進規麻哈該逆膽敢分股迎敵經官軍縱擊賊勢披靡斬賊五百餘級當將麻哈州城克復收降苗寨民衆數百處並擊敗上塘清平舊州等處援賊奪獲器械無算唐炯調度得宜深堪嘉尚仍著檄令該道督率諸軍節節掃蕩以竟全功上同

唐天佑設法招降麻哈州城之被脅漢民貴于剛亦率衆投誠欲爲內應署提督張文德率軍分隊直攻麻哈州城受撫各寨倉然響應賊多名立將州城克復與崇實等前奏大畧相同著曾璧光督飭各軍乘勝進攻迅殄醜類上同諭旨璧光奏賊匪貴州麻哈州城經曾璧光派兵會同川師勦撫兼施當將州

貴州通志

前事志三十四

十一

城克復與崇實等前奏大畧相同現在署提督張文德力疾親督諸軍進紮王都堡並分軍規復都勻著曾璧光傳諭該署提督乘此聲威鼓行而進並著崇實吳榮飭道員唐炯聯絡黔軍進規清平舊州節節進剿務將都勻踞逆一律殄除並力趨下游以期肅清黔境上同

賊陷安南縣城代理知縣周佳琦遁

易飛熊自青山移病回請劉正朝往督剿賊大至營陷正朝潰走賊旋渡深溪河走攻安南縣城二十三日陷之周佳琦不知所往馬金奎走江西坡署普安同知吳宗蘭亦告急會葉正邦還至興義曾璧光檄令兼署興義府縣剿辦諸賊上同

苗逆賀興仁降于唐炯

初唐炯攻上大坪急劉儀順遠招嚴大五賀興仁來援蹇聞俱興仁母妻皆在中平取至招之興仁仍回安順至是乃自安順遣赴唐炯營乞降炯令轉招諸賊嚴大五等援如故二十一日陳希祥馳至清鎮由安平馬五屯進剿成耀星進擊平遠松林應之上同

席寶田還至寨頭湖南巡撫劉崑遺黃潤昌來益師

寶田議曰台拱苗最強破台拱則羣苗膽落矣右鎮遠而左清江台拱之兩翼也不取兩城不能規台拱不通岩頭左右不斷賊援不能克兩城不悉平岩頭前路不能通道然專注岩頭苗乃從他道內侵文吏乃得持長短衆論諱軍餉不繼則事敗矣宜增兵處處爲防而後可以言戰乃上書劉崑請益萬人議者皆以糜餉甚鉅而平苗無益又軍例將五百人者將雖廉平猶歲入三千金凡議增兵皆利其所入疑寶田欲專大利然無以難之乃由省城防兵附以沅北戍軍不隸寶田者爲萬人以黃潤昌爲大將鄧子垣副之出晃州北路而令寶田專南路湘軍志

湖南巡撫劉崑奏添調兵勇赴黔剿辦苗匪得旨著即檄飭黃潤昌統率所部迅赴沅州會商席寶田相機前進併力攻剿東華錄

楚軍葉兆蘭等遣軍數擊敗九大白報南燒於土地祠二十四日席寶田還至

寨頭軍聖紀

工部侍郎石贊清復奏請裁減湘軍移餉濟黔事宜

貴州通志

前事志三十四

一四

署曰黔中教號苗賊自川軍赴援剿撫兼施不半年克與拾稟教號諸賊漸次削平惟苗賊尙宜大張撻伐川軍由平越進擊黔軍克復龍貴亦乘勝直趨都勻正聯絡進取犁庭掃穴之時也川軍不及萬人恃有饌需降人樂爲之用是以士氣百倍所向無前黔省疆項奇絀練勇每月僅能給餉數錢即此數錢之銀尙不能按月支發枵腹從事諱澁時虞前貴定之捷堅城既破惜停兵待餉致潘名杰乘勢遠颺無米之炊智勇俱困事急則募勇以禦賊事緩又無錢以養之黔中教號諸賊皆由潰練散勇迫脅難民和乘繼起十餘年靡有底止今幸剿辦得手嗣修餘孽各州縣先後肅清臣竊思收復地方殘破已極非措經費安插降衆卽給牛種以招流亡難保無餘孽復萌又生他變然此猶善後之策也目前急務川軍直抵苗境恃黔軍爲之後應必集勦旅多人一面會合剿洗一面屏蔽省城使苗賊不至上竄窺伺省垣腹地無虞邊境可徐圖掃蕩順第貴黔省增防勦之兵而不爲籌有著之顧恐餉軍必不能振黔患仍未易平安危之機關繫匪淺我皇上廬念邊陲於協黔懷銀屢蒙嚴飭撥解而各省苦于無款可籌黔中竟至束手臣愚以爲今之時勢莫如裁隣兵以裕餉以購軍

權其輕重緩急之間似有可以通融辦理者查湖南援黔之兵二萬有餘兵勇坐糧每月四兩行糧則每月五兩六錢有奇合計月需銀十三萬四兩兩湖湘軍入黔後疫染瘴癘缺額甚多李元度告養回湘軍已不振席實田一軍因苗竄擾靖會退劉沅州旋亦告假回籍現雖檄催前進而李軍與席軍不治勢必遣散另募方可大舉入黔臣竊計湘中將士皆係湘人川中唐炯蹇開兩軍半係黔人深入苗疆自以熟習地理者爲便夫用兵之道備則易仰攻難楚黔接壤青溪玉屏一帶山深箐密道路崎嶇苗賊竊寨林立居高瞰下我兵進則設伏以待退則乘虛而來楚師屢克鎮遠而不能守此明驗也且楚軍不服水土疾病易生與其輕進無功不如憑險自守但期防堵得力使苗賊不復出巢則川黔官軍自上而下勢若建瓴只須克復重安江一帶使苗賊大受懲創必可一勞永逸湘軍僅於防扼當就見有兵勇淘汰老弱清查浮冒將李元度舊部酌量歸併裁撤以萬餘衆交席實田統帶扼要駐紮亦足以敷分布湘省邊境既易剿爲防則兵勇可照坐糧給發每月計可省銀七八萬兩即以騰出之餉按月給銀五六萬兩解赴貴州省城俾撫臣督璧光等得以選將練兵力圖克

貴州通志

前事志三十四

一五

復如此轉移間湖南得散無用之兵黔中得有用之餉黔疆早靖湖境即可撤防是以有益於黔而並無損于湘撫臣劉崑素願大局諒不至拘泥援黔之說新恤鄰封黔中得此五六萬金今日爲招練兵勇之費事平即可爲安撫地方之用一舉兩得食惠無窮黔中平則川楚晉安此機可乘時不可失者也於是奉上諭著會璧光酌酌情形詳慎籌畫務須謀及萬全璧光奏入旋奉上諭會璧光奏自收復龍貴後設防愈寬上游各匪尙須剿辦林從太駐軍都勻兵練無多僅能支持一而黔事尙多可乘之機自未便將援黔湘軍遽行裁減前據劉崑奏湘軍攻克天柱縣城已飭席實田分路前進刻下溱陽江以北苗教各匪未平即著劉崑迅催席實田等統帶新舊各部由鎮遠施秉舊日驛路攻剿而上與川軍會合分別剿撫以期東西肅清

記

冬十月

提督張文德軍至王都堡苗酋潘名杰迎降遂克都勻已亥諭軍機大臣等會璧光奏貴州官軍自克復麻哈州城後進規都勻逆首楊開輜等分率苗黨踞守關隘阻我進兵之路提督張文德親督各軍於十月間進取王都堡賊巢逆首潘名杰等率衆投誠靖盜關之賊集黨死守旋經官

軍攻破並進援文德關殺賊五百餘名乘勝直薄都勻分門環攻十三日夜間官軍一擁登城短兵相接斃賊一千餘名餘賊奔門四潰復追殺數百名當將都勻府城克復剿辦尙屬得手仍著督飭官軍將茅坡賊巢剋期掃蕩迅殄逆氛

錄

初五日張文德督林從太張盛琦潘明德等進規都勻軍至王都堡潘名杰等迎降初八日破走府北靖盜關賊初十日再攻文德關賊望風遂薄都勻圍攻十三夜破城入時賊猶拒茅坡文德部署諸軍分踞城內外各隘自率親軍折回巖下擊敗胡四趙五于擺沙賊盡入茅坡拒守唐炯翼貴州巡撫竊於本月初二日酉刻案奉十月二十七日憲台八百里札飭撥軍馳赴勻城會同林鎮相機辦理以維大局各本因奉此伏查嚴門革夷壘谷隨等處悍苗萬餘現在廣集重安江一帶以拒我舊州上塘各軍而丹凱賊苗日與我官軍在楊老相持亦不下數千均在攻勦喫緊之際若稍一動移不獨前功盡棄而大局亦不可收拾竊料都勻賊匪雖衆林鎮從泰所部既有七八營戰或不足守則有餘仰懇憲台札飭林鎮妥爲固守月餘職道俟將重

貴州通志

前事志三十四

一六

安清平掃蕩即便親赴都勻辦理以慰憲廑又囑恩苗酋潘名杰自黔師收復貴定後竄據都勻王都堡職道前遣降人仲苗宋德高持識往招至是潘名杰率其種類一千二百餘戶來降職道好言撫慰發給門牌並令其持識往招都勻柳天成胡連玉趙廷珠八寨苗酋馬登科自效該酋感泣願盡死力此事尙成都勻八寨便可不煩兵力矣

錄

七年冬十月護理提督事副將林從泰督兵規郡城從泰檄諸營自谷洞撤彭分遣進自率所部會城下副將黎占魁張樸等自靖盜關掃蕩而前從泰於楊家冲招降邦水賊胡四趙五爲前導星夜抵郡城賊不虞官軍驟至紛紛潰走柳天成奔林雅坡金幹幹王義甫奔苦李均從泰勒兵入留占魁等駐兵城守大府旋以黃德裕知郡事張樸署副將仍於文德諸處屯營策應時鄰邑尙爲賊覬柳天成又未受創城雖復危如蟻卵

部

冊

按平黔紀畧稱名杰降于黔軍援黔錄則稱降于川軍蓋各據稟又胡四趙五即胡廷玉趙連珠事詳後案都勻訪冊作林從太招撫恐亦不實川軍攻克打鐵關上塘等處苗寨都勻苗酋柳天成等復就撫

唐炯稟窮初五日黃嶺嶺賊數千復來犯楊老營壘我軍一路迎擊鏖戰逾時陣斬賊百餘名把總張順揚手刃賊目一名賊遂奔敗初七日劉提督進剿小巖至寨翁孤等處斃賊百餘名立將各苗寨焚燬乘勝直追至小巖河邊賊苗奔退不及落河死者約二三百人計自前月初間至今小巖河狗望河以內賊寨盡數掃蕩平越境內肅清伏查小巖狗望兩路爲重安江上流而蘆坪羊保又爲諸路總隘居我軍楊老打鐵關之中凱棠革夷賊苗時由此上犯平越州城劉提督須會攻上塘該處不可無兵防紮適定番賊會劉占斗姬紹勳等來營投誠此起降衆本皆平越乾林等夷因飭訓導陳紹成降人石占揚督率屯防羊保而派游擊田應豪率所部安吉後營駐蘆坪以爲犄角上塘翁沙賊苗連日死守打鐵關職道函囑鄧守於初十日由藍家關直襲上塘而自督何鎮顏牧參將石洪副將藍文蔚分路進攻打鐵關鏖戰逾時我軍傷亡數十名職道派弁持令往來督促敢有退後者斬顏牧石參將帶隊由僻徑越嶺數重抄出賊後何鎮復鼓勇先登共斃賊百餘名立將打鐵關攻破賊寨焚燬餘賊竄向翁沙一路方賊死守打鐵關於藍家關進上塘路皆以大木橫塞偏插竹籬

貴州通志

前事志三十四

一七

鄧守督隊伐山開道疾馳三十里掩至上塘賊不意我軍猝至倉皇潰潰鄧守揮軍縱擊陣斬賊百餘名傷斃無算翁沙之賊亦悉數竄過重安江我軍立將兩大寨焚燬並由鄧守檄飭駐防猴場洗馬塘果毅左右兩營由朵頂梭洞進黃平州朱牧帶降衆由平溪進十一日劉提督已自小巖來會一俟雪霽即拔起上塘同規舊州再都勻各賊前經職道遣降會潘名杰持諒往撫又因府城中尚有粵賊千餘皆李文彩舊黨復派該守備前往茲據回營稟稱柳天成胡連玉趙廷珠唐協禮等皆誓死投誠職道復派該守備持門牌前往安撫並稟請貴州撫部院派曉事大員馳赴都勻料理將來舊州清平得手職道將降衆部署屯防即由凱里進剿苗疆不復分兵走都勻矣

錄

札署平越營游擊唐天佑照得都勻柳天成胡連玉趙廷珠等尚皆擁衆負隅則馬廠坪一路可虞凱棠凱少賊苗由重安江上犯則狗望小巖一路可虞本道現委平越馬守督同陳訓導紹虞石都司占揚挑帶團衆嚴扼羊保要隘以顧平越城及牛場一帶而該將隨同大軍在楊老兵力不可謂不厚乃日來調金雞山排路垣等處團衆隨征試問州城及大軍後路可以不顧耶口糧

從何出耶實屬不知緩急爲此札仰該將此後不得再調金雞山排路垣一帶團衆致後路空虛貽誤大局重干咎戾上同
札守備李文彩照得都勻柳天成胡連玉趙廷珠及該守備舊時所部隊伍遣人具稟來營投誠該會等既甘心投誠即是良民本道自當仰體朝廷法外之仁寬其既往予以自新除稟明貴州撫部院嚴飭黔中各營不准擄掠騷擾外爲此札仰該守備即便承領發去門牌告示馳赴都勻辦理招安事宜上同

川軍克黃平新舊兩城

唐炯稟竊職道與劉提督於十四日拔赴上塘會合鄧守據探舊州地勢平行周迴四十里賊寨數十悍苗約五六千計舊州城中亦約五六百家由上塘至舊州二十五里中間三轉灣波洞河路徑窄狹賊卡林立職道商同劉提督鄧守宜乘夜出賊不意便可一鼓齊下劉提督鄧守遂於是夜挑帶十營八成隊五鼓急進都司楊繼春率所部果毅副前營副將周萬順率所部果毅後營衛枚前驅緣山半林中繞出三轉灣波洞河後守卡賊百餘悉就擒斬無一得脫我軍遂長驅直前黎明至舊州劉提督鄧守分道圍攻楊繼春周萬順首先突

貴州通志

前事志三十四

一八

入舊州城順風縱火二十餘寨賊苗倉皇奔潰我軍四面縱擊斃賊無數追至金坑大坪賊抵死據險抗拒我軍前敵少却劉提督單馬衝入賊陣我軍大呼齊進而總兵謝鴻章劉子貴各督所部署黃平州牧朱應耀督降衆自梭洞平溪直趨後賊勢披靡悉奔向新州尖山坡我軍遂於舊州城內駐紮奪獲賊谷十餘萬石一概封固我軍傷亡數十人十六日何鎮行保周副將萬順黃鎮一陸李鎮啓貴鎮牧佐才復將白巖龍洞河美朗毛草坪一帶十餘賊寨攻破斃賊甚多黃鎮嶺之賊數千於十一十六兩日分由巖下谷兩路來撲楊老營壘均經張道玉文唐鎮大有督參將唐汝賢都司劉德順劉俊民等分路截擊殺賊二百餘名傷斃甚多我軍兩次約共傷亡數十人賊仍退據黃鎮嶺職道現俟劉提督攻拔尖山坡並料理降衆屯防舊州上塘即進攻重安截江西上約張道上下夾擊會規清平伏查我軍自攻拔牛場兩月以來大小數十戰破賊寨以百計廓清數百里復連拔舊州上塘老巢數十實屬異常出力仰懇憲施立予奏獎以示鼓勵又稟竊十八日賊苗數百自谷洞來犯楊老狂呼誘戰張道飭各營堅壁不出延至未刻賊數千自羊大山冷水營兩路徑撲營壘

各營先以鎗炮環擊賊勢少却遂分路出發由上壓下直至羊昌河邊鏖戰逾時斃賊數十人賊始大奔二十日苗營金扛扛率黨千餘由冷水營來撲江西坪我軍迎擊賊拚死鏖戰鎗子如雨我軍傷亡數十人屹立不退張道飭總兵蔣定邦等各帶哨隊從左右山梁直衝入賊陣賊遂大奔我軍乘勢掩擊斃賊八千餘人二十一日賊復至黃貓嶺新牌谷嗣三路來犯以數千計張道仍飭各營整隊以待約兩時許賊氣稍懈振武軍先出隊擊賊過河復擊獅子山副將石萬和千總戴文富中鎗陣亡振武軍少却賊乘勢猛衝參將唐天佑及安定各營堅伏不動但以鎗炮環擊賊甚多賊始敗去是日重安賊苗千餘來犯美朗風塢經何鎮行保劉都司洪發擊退斃賊數十人黃平新州整谷隨嚴門等處賊苗數千來撲舊州劉提督軍縱擊陣斬悍賊數十名鎗斃無算賊匪大奔我軍乘勝追擊將五里冲干溪一帶賊巢焚燬降目柏明成於奪五里冲賊卡時中鎗陣亡二十四日劉提督分布各營於五鼓時進攻七里冲大塘鋪天明將兩處賊卡攻破遂留總兵謝鴻章候選知縣趙彝率所部駐大塘鋪以備抄截自督各營急趨新州城賊苗出城抗拒而尖山坡巖門整谷隨之

貴州通志

前事志三十四

一九

賊布滿山谷包圍我軍劉提督揮軍四向人自爲戰游擊楊玉枝怯戰退縮劉提督立將該游擊於陣前正法各營乃鼓勇大呼而謝鴻章趙彝復自大塘鋪抄賊之後我軍內外夾擊聲動山谷斃賊無算藍翎千總田泰時首先生擒賊目一名賊苗四山狂竄我軍立將黃平新州城克復功直趨尖山坡賊苗望風奔竄整谷隨嚴門一帶劉提督以新州城不可守我軍勢不能分布遂將尖山坡及州城內賊巢米谷焚燬淨盡撤回舊州是役我軍往返馳逐六十里力拔新州城及尖山坡老巢實屬異常出力聯道現而提督屬鄂守以五營留守舊州相機規取施乘並料理降衆屯防職道自與劉提督分路進剿重安以規清平

諭崇實吳棠奏唐炯一軍自攻克麻哈州城後進逼苗巢九月二十七至十月初三等日清平苗匪迭次出巢撲犯營壘均經官軍擊敗初四至初十等日復將白沙坡打鐵關等處賊寨攻破十四日進拔舊州連克要隘殺賊尤多十六至二十一等日黃貓嶺重安江等處苗匪屢次出犯經張王文劉鶴齡等軍分路縱擊乘勝將丁溪五里冲一帶賊巢焚燬二十四日劉鶴齡督軍直逼州城

該逆出城迎戰尖山坡等處之賊同時圍撲官軍鼓勇奮擊賊衆大敗當將黃平州城克復乘勢攻克尖山坡逆巢剿辦甚爲得手仍著督飭各軍進規施乘清平等處迅殄逆氛

錄奏

諭崇實吳棠奏黃平舊州兩城居鎮遠都勻之中縱橫數百里悉爲苗逆占踞現經唐炯督軍深入迭破關隘克復城池剿辦甚爲奮勉該逆以屢經懲創復敢糾黨圖襲牛場壩安擾我後路雖經官軍馳救擊退而現在進規清平地險賊衆必應厚集兵力穩紮穩進以期節節掃蕩崇實吳棠現已調陳希祥一軍馳赴下游著即飭令會合唐炯等軍並力進剿迅掃逆氛俾苗疆早得戡定安平股匪奔竄邸岱並著檄飭成耀星嚴扼各隘如遇賊匪回竄即行探蹤截擊毋稍鬆勁張文德一軍克復都勻後曾否將毛坡賊巢攻拔著會璧光飭令聯絡川楚各軍迅速進兵以資厚集

上同

十四日克復舊州鄧錡帶六營駐舊州唐炯劉鶴齡帶八營進攻新州二十四日五鼓立破七里冲各賊卡驅兵猛進時整谷隨之賊巢於尖山坡岩壘數十黑苗布滿山谷劉軍揮兵猛攻唐軍分兵四應斬怯退游擊一員各軍奮勇向

貴州通志

前事志三十四

二〇

前立將新州克復斬賊無算

訪實

按復新州訪冊所稱斬怯退游擊一員缺名據援黔錄即楊玉枝楚軍敗苗逆於背龍腦江口屯遂復柳霽天柱等城

張秀密以苗首田白眉出順洞羊平嶺青溪池木溪圍首楊通本敗死楊通凡馳援擊斬白眉會席寶田軍出梁上復破走秀密及潘老帽於岑松並下耶麼諸寨別殺李光燦率銳字六營自石榴坡凱旋破賊而前東規天柱約署柳霽縣丞涂垣焯署清江協副將許得勝攻青龍腦自成豐中賊據以爲柳霽忠二十三夜襲破之垣焯等乘勝入據柳霽城光煊會樂繼昌李金榜急馳破江口屯六寨屯一名九龍山極險峻三面環水甲子僞帥陳大六等據此出入楚黔邊爲患至是禽大六斬之明日進復天柱縣城

記

諭軍機大臣等劉福奏逆目陳大六等占踞天柱縣屬之江口壘陷沒縣城勾通苗逆推巨逆李恒吉爲首久爲黔楚之害經劉福飭席寶田督軍分道進攻先將援賊之悍苗九大白等股擊退攻入江口壘逆寨擒斬甚多巨逆李恒吉等死于軍中逆目陳大六等均經就獲並將縣城收復剿辦尙爲奮勉即著劉

電飭令席寶田等務將餘匪搜捕淨盡所有天柱縣善後事宜妥爲部署即督軍掃蕩附近苗寨東通鎮遠西達清江期與川軍會合

東華

二十一日楚軍攻破江口電逆王陳大祿見官軍勢大敗進柵門自知不免揮刀殺出當者輒靡副哨官潘繼光松柏洞人舉槍轟之中彈倒地被擒

天柱

川軍克復定南汎城

會璧光奏竊臣於十二月初三日接據統帶川軍記名提督陳希祥咨稱該提督已由安平進剿各匪連戰皆捷嗣探得郭家壩王潘仲義佔踞後苗關爲偽師楊逆所紮其爲苗王大巖大王賀楊劉等逆分踞永豐山葛石寨等處蔓延二十餘里合衆二萬有餘該提督於十月二十日督飭各營進逼賊壘二十二日分三路並進該匪拚死拒敵我軍陣斬田偽將軍劉偽帥二人斃匪多名潘逆率衆敗潰當將郭家壩賊寨攻克連日乘勝將苗上關永豐山一帶賊營全行平毀該逆分竄毀踞定南陳希祥跟蹤追至於二十五日四面圍攻將定南汎城克復殺斃龍偽師石偽將軍白苗帥三人該逆由波玉河大巖場而逸

節錄

貴州通志

前事志三十四

二一

畢大錫約陳希祥軍出架布雞場賊敗多走定南希祥督何定功都司祝有信進擊賊潰走波玉河追敗之是時劉嶽曙平遠防軍爲劉嶽昭檄調雲南定南諸賊乘間走入據州西之雀隔及昨瓦雞場會璧光因檄希祥馳赴平遠並檄成耀星分軍馳防六歸河

畢記

按定南汎城克復記畧語欠晰

水城苗逆黃金印乞就撫

先是八月楊開祥自郎岱乞援正惟黃金印猶據扁擔山出掠畢大錫以黃金印故水城米羅苗令袁開第設法招令回籍並遣游擊劉德昌往招之黃金印以幼子爲質約降自扁擔山挾重賞歸水城宿六枝汎汎魏天申及副將張定國夜劫其輜重並殺斃五人黃金印因走集諸賊擊破六枝各屯圍攻定國營他賊亦聞風擊潰總團薄郎岱劉德昌聞變急白大錫函慰金印許追償失物金印始解去已而金印退水城巖大五利其贊將圖之袁開第因遣間散其黨說令繳械降金印懼不至而遣其弟具稟來言其苗黨二百餘戶已先遣散往大小苗寨乾溝歸業餘則散赴各團者尚四五千戶其無業可歸者富者出資

置產貧者佃田耕種金印惟自乞給還原產歸耕手具投誠結乞委員就營查驗開第即遣署照磨樂承舉等往驗以各戶自農具外無軍械可繳還告開第因清還原產復酌撥荒地妥爲安置之事在明年二月

畢記

之

會璧光奏十月二十三日據護都勻府事兼署獨山州錢壩署都勻協副將周發榮稱平舟六洞苗香凱營等處踞匪已歷兩年迭次攻擊未能得手十月十五日錢壩等營飭千總陸登埔把總田興和外委徐名揚吏目王恂委員張向恆等分批進剿先攻貓兒河賊寨斃匪甚多該匪首楊七悔罪乞降錢壩曉以大義令其殺賊自效楊七帶領降衆乘夜攻破上下梭賊壘斃匪一百餘名十六日陸登埔等各帶勁練進攻凱營賊巢克之進兵道路既通軍勢大振周發榮督同陸登埔等分爲兩路乘夜襲取平舟立破賊卡三道擒斬悍賊三百餘名當將平舟老巢攻拔十八日陸登埔田興和等節節勦洗又將苗香六洞相繼攻克等情又於十二月十一日據護理提督林從太咨稱都勻緊逼苗境時

貴州通志

前事志三十四

二二

有賊苗竄擾林從太督飭各軍嚴密防守十月十八日該逆柳天成柳么等糾衆數千分撲四門勢甚兇悍林從太派令副將張自發參將黎占魁游擊田興貴都司羅芳林謝永綱軍功潘德明等各帶精銳分路迎敵林從太居中策應各軍奮力兜剿賊勢不支敗退銅舟二十日潘德明帶隊星夜往擊擒斬石偽將軍一名二十二日柳天成等糾約下河八寨苗賊萬餘復來攻撲林從太派隊出擊鏖戰竟日賊勢稍卻田興貴衝入賊陣被賊鎗傷右腿二十三至十一月初六等日連日接仗迭有斬擒並殲斃偽王柳么一名謝永綱進剿餘匪中殲陣亡十一三十四等日該逆復來攻撲林從太設伏截擊殺斃二百餘名賊遂奔潰其間招撫王廷華潘發楊陳建勳等賊目三名現飭各營扼要守禦等情平舟六洞凱西苗香匪黨負隅日久現經錢壩等次第攻拔實爲地方掃平巨患林從太於克復勾城後迭被柳逆攻撲率領將士固守月餘迭次接仗擒斬甚衆辦理頗合機宜無如餉項支絀未能添募重兵力圖進取殊切焦思臣惟有竭慮殫精會同林從太就現有兵力盡心勦辦迅掃狂氛

十一月苗酋金桿桿陷洞口屯署平越直隸州馬樹清戰敗匪進犯牛場川軍擊卻

之陣斬金桿桿

初十日香鑪山谷洞黃貓嶺冷水寨諸賊出龍頭山犯楊老唐天佑營天佑固守候補道張玉文分軍扼拒賊首金桿桿率賊赴苦李井突入平越龍場堡楊家林牛場出川軍後截糧路先是舊州克時署平越直隸州知州候補知府馬樹清言於唐炯請以鄒紹南率安吉營扼金雞山隘又以州城荒蕪無人出剗團坡適中地至是賊大至樹清圖退牛場遇賊楊家林再退洞口屯十一日賊陷洞口樹清戰死川軍轉運委員從九汪廷燮亦被害宋國禎先以三百人隨樹清辦善後至是遁走屯民死者甚衆

唐炯稟竊前月二十五六兩日巖下香鑪山冷水營谷洞黃貓嶺等處賊數千分路圍攻楊老營壘經張道分布安定振武安吉各營四而迎擊傷斃賊甚多賊始奔退我軍亦有傷亡本月初十日賊數千自龍頭山來犯楊老我軍正相持間賊偽王金扛扛率悍賊數千由苦李井乘虛直竄平越張道將龍頭山賊擊退收隊後始知即夜飛函來報伏查牛場爲各軍糧台一切軍火糧餉所在又止安吉前營一營駐守甚屬單薄若此處不守則開變一帶均遭蹂躪而楊

貴州通志

前事志三十四

一三

家林僅降衆四五百家尤單薄可慮職道於十一日夜得報即派顏牧督所部安定前營由間道馳守牛場派果毅後營周副將萬順果毅副前營楊游擊繼春各率所部由巴香翁巴馳扼楊家林各賊上竄牛場便與顏牧約會夾擊毋令得竄至開變十二日夜得報賊苗於是日黎明乘大霧圍撲楊家林之洞口軍候補署平越直隸州知州候補知府馬樹清督率衆拒守相持至未正軍衆子藥俱盡賊毀壘而入馬守督率衆力竭陣亡本營委員從九汪廷燮於該處辦理楊老各營轉運亦同時被害軍中男女死者四百餘口賊亦被軍衆斬殺百餘職道虛果毅兩營力薄復撤防紮蘆坪之安吉後營田參將應豪派隊接應十三日黎明賊全股直撲牛場我軍不動俟賊撲至壕邊始連環施放鎗斃賊甚多偽苗王金扛扛見我軍勢甚盛遂率黨繞竄安顏牧虛賊一到變安則處處紛擾我軍全局皆爲掣動急率總兵蔣定邦降目劉占斗二百餘人迎頭猛衝當將金扛扛擊斃賊遂折回仍撲牛場營壘我軍正與相持而果毅兩營是日自翁巴進勦楊家林知苗已盡數上犯牛場復由楊家林赴援顏牧遙見果毅紛乘勢猛衝賊敗至牛場中壩河邊游擊楊繼春率所部截住

貴州通志

前事志三十四

一四

河邊斬賊僞元帥楊大五一名賊窘急以悍黨數百抵死抗拒楊游擊鎗子如雨兩楊游擊脚受兩傷所部少却而周副將率所部及安吉後營亦至復奮力夾擊傷斃賊甚多賊遂敗退九龍山我軍亦有傷亡又慶戰竟日收隊回牛場是夜三鼓時賊忽驚潰盡數由翁巴大巖一帶竄過小巖河我軍得報追至翁巴救出婦女百餘名職道仍檄令於龍昌堡狗望一帶搜勦俟人心大定再拔回上塘是日香鑪山等處之賊數千來撲楊老各營經張道分布迎擊生擒十餘名陣斬數十名而我軍守備周大鵬外委劉定邦亦當時陣亡賊來益厚都司劉俊民衝入賊陣手斬賊酋一名我軍大呼縱擊賊乃大奔撲河死者數百四十五等日賊來攻舊州風均等處被我軍擊退均各稟報前來伏查賊苗以我軍深入連下黃平新舊兩城而兩月以來攻撲楊老其黨死亡甚多又見楚軍尚在寨頭未動殺牛聚議以三萬金犒金扛扛令襲牛場猴場壘安援我後路我軍必退然後並力以拒楚軍故其來甚速今雖仰賴福威各軍用命金扛扛授首變安一帶無虞而馬守汪委員死難男女被害四五百人實由職道調度無方疎於防範咎無可辭仰懇憲台從嚴參辦以謝平越死難官民並懇將

馬守汪委員從優奏卹以慰忠魂無任感禱

按平黔紀畧金桿桿援黔錄作金扛扛亦作金幹幹

十二月唐炯圖大舉進規苗疆請濟師于川督吳棠

先是炯以川軍深入後路空虛安順軍務稍紓且有成耀星一軍駐防請以陳希祥還同勦苗疆蹇閻先以病還迨至是赴軍請仍以舊部扼平越州城楊家林牛場防開變後路復稟曾璧光言自楊老西至貴定百數十里空虛無人請檄林從大遣軍同潘名杰胡連玉趙廷球等降衆出麻哈下司相應

至是炯稟川督竊職道前請添收降勇二千三百名編立爲營茲於本月二十日接奉憲批得勝之餘持重爲第一要着留兵屯守舊州等處是斷斷不可少者該道慮前敵兵單請以新降粵匪二千三百人編立爲營用期兵力厚集迅速成功而又免貽患所見極是無如庫款萬分支絀餉項殊難爲繼該道可於降衆二千餘人內挑留二三營分撥調遣照黔勇起支口糧其餘妥爲遣散等因奉此仰蒙憲台指示周詳慎重餉糧下懷無任欽佩然職道謬荷委寄通籌大局其利害得失既已灼見真知有不致不詳陳於憲台前者當同治元年秋